

կան եւ եւրոպացիին միանգամայն անծանօթ մի կեանք:

Արեւելցիին վարժուում է խորհել: Նա միջոցներ է փնտրում մասնակցելու համայն տիեզերքին: Ամէն գործունէութիւն պատրանք է: Գերազոյն գիտութիւնը թելադրում է խնամք չտանել նիւթական աշխարհի մասին, չենթարկըել անհատական գիտութեան կանոններին, կազմուած դաշտանկարների պատրանքներին, ապագայի կառուցուածքներին, ժամանակի թուարանութեան, ժամանակադրական անցեալին: Նրա մէջ իմաստութեան ձայնը ազատօրէն հնչում է, թրթռում մտահայեցողութեան շունչի հետ:

Գործողութիւնը ստորին մշակոյթի նշան է. նա մեզ հեռացնում է իսկական գիտութիւնից, նա մեզ ենթարկում է բնագլխին, քան տրամարանութեան: Պէտք է հասնել հաւասարակշռութեան եւ ներդաշնակութեան. պէտք է անհատականութիւնը անհետանայ եւ իրերի ու մարդկանց միջեւ միութիւնը առաջ դայ:

Այդ է մօտաւորապէս այն դաշտաւարը, որ մենք կազմում ենք արեւելեան ոգու մասին:

* * *

Իրականութեան մէջ, այդպիսի յստակ բաժանում արեւելեան եւ արեւմտեան մտայնութիւնների միջեւ գոյութիւն ունի՞: Մարդկային ոգու սահմանները չըջապատուած են այդպիսի անանցանելի պարիսպներով:

Ճշմարտութիւնը այն է, որ երկու մտայնութիւններն էլ կարող են միասին գոյութիւն ունենալ: Բաւական է մակերեսային ակնարկ նետել պատմութեան մէջ տեղի ունեցող հոգեկան փոխակերպութիւնների վրայ, այդ մասին համոզում կազմելու համար:

Այստեղ, ուզում եմ սեղմել փիլիսոփայ Ծպենդլերի ձեռքը: Ուրախ եմ ծանօթանալ:

Միանգամայն համոզիչ եւ գեղեցիկ պատճառարանութիւններով նա տարրորչում է մըշակոյթը եւ քաղաքակրթութիւնը: Մեր մարդկային առաջնութեան ուրիշմը, նիւթական աշխարհի դէմ մղած պայքարները, անդունդները եզերող մեր անխտահ քայլը, ընկերութեան բռնակալ ուժը, միայնութեան տենչը դէպի անհունը, մի խօսքով, բոլոր մեր տատանումները, տարակուսանքները եւ բաղ-

ձանքերը պատմութեան շրջանին՝ նկարուած են յստակօրէն, արձանադրուած եւ դասաւորուած:

Պատմութեան մէջ կան մշակոյթային շրջաններ եւ կան քաղաքակրթական շրջաններ: Փիլիսոփայական ծանր խառնակոյտի մէջ այդ դադափարը որոշ է եւ լուսաւոր: Ինքը Ծպենդլերը ծանրութեան տակ մնում է ճգմուած, դըլուխը վայր է դրում, դէմքի կնճիռները ձեռքերի մէջ ծածկում է, կեանքի եւ մահուան նախախնամական հոլովումի առջեւ մնում է անորոշ, ընդունում է անխուսափելին, չի հաւատում պատմական վերադարձին կամ նոյնիսկ այլափոխութեան: Ծպենդլերը դժբախտ է եւ պէտք է նրան խղճալ:

Մշակոյթ եւ քաղաքակրթութիւն:

Որոշ դարեշրջաններում մշակոյթը, լուսաւոր շնորհքի նման, ծնունդ է առնում, զարգանում է, փթթում եւ, իր նպատակը իրագործելուց յետոյ, աննշմարելի կերպով անհետանում է:

Ծնւում է, իրագործւում եւ մեռնում:

Նրա բնոյթը աշնուական է եւ որակեալ:

Նա դարդանում է նիւթական եւ ընկերային կեանքից վեր: Նրա նպատակն է ստեղծել նոր հոգեկան արժէքներ, Նրա նուաճումները խորհրդանշանական են եւ ոչ իրական: Մշակոյթը գործնական ոչ մի նպատակ չունի: Նա ամբողջովին անչահադրուած է, հեռու ամէն տեսակ կազմակերպութիւններից, որոնց նըպատակն է բարելաւել ընկերային կեանքի նիւթական ձգտումները:

Առանձնացած անհատներ բացում են իրենց հոգին դէպի անհունը, աստուածային լոյսի համար ծարաւ պատուհանների նման: Հոգին կենտրոնանում է իր մէջ, թեւեր առնում եւ ճախրում ազատօրէն: Կեանքը ներուժօրէն զարգանում է եւ մինչեւ այն օրը անծանօթ մնացած կարելիութիւններ է բախում:

Ամենափոքր դէմքերը հոգեկան մարդի մէջ բիւրեղեայ պատկերների են վերածւում ու լուսաւորում:

Ամէն ինչ խորհրդանշան է, ցուցմունք, գերազոյն նպատակ. ամէն ինչ անչահախնդրութիւն է, ճշմարտութեան որոնում եւ ճըշմարտութեան իրագործում: